



O'ZBEKISTON RESPUBLIKASI
ADLIYA VAZIRLIGIDA
DAVLAT RO'YXATIDAN O'TKAZILDI
RO'YXAT RAQAMI: 2511-1
2026 - yil 06 - May

O'ZBEKISTON RESPUBLIKASI KAMBAG'ALLIKNI QISQARTIRISH VA
BANDLIK VAZIRINING
BUYRUG'I

**Ichki ishlab chiqarish transportidan foydalanishda mehnatni
muhofaza qilish qoidalariga o'zgartirishlar kiritish to'g'risida**

O'zbekiston Respublikasi Mehnat [kodeksi](#), O'zbekiston Respublikasi Prezidentining 2025-yil 14-iyuldagi PF-111-son "Davlat boshqaruvi tizimida samaradorlik, proaktivlik va natijadorlikni oshirish chora-tadbirlari to'g'risida"gi [Farmoni](#) hamda O'zbekiston Respublikasi Vazirlar Mahkamasining 2025-yil 24-dekabrda 819-son "Mehnatni muhofaza qilish sohasiga oid ayrim nizomlarni tasdiqlash to'g'risida"gi [qaroriga](#) muvofiq **buyuraman:**

1. O'zbekiston Respublikasi mehnat va aholini ijtimoiy muhofaza qilish vazirining 2013-yil 30-avgustdagi 66-B-son buyrug'i (ro'yxat raqami 2511, 2013-yil 2-oktabr) (O'zbekiston Respublikasi qonun hujjatlari to'plami, 2013-y., 40-son, 534-modda) bilan tasdiqlangan Ichki ishlab chiqarish transportidan foydalanishda mehnatni muhofaza qilish qoidalariga ilovaga muvofiq o'zgartirishlar kiritilsin.

2. Mazkur buyruq rasmiy e'lon qilingan kundan e'tiboran kuchga kiradi.

Vazir
27-Aprel 2026-yil
15-2026/B son



ZAXIDOV BOTIR
ERKINOVICH

O‘zbekiston Respublikasi kambag‘allikni qisqartirish va
bandlik vazirining 2026-yil 6-maydagi 15-2026/B-son
buyrug‘iga
ILOVA

**Ichki ishlab chiqarish transportidan foydalanishda mehnatni
muhofaza qilish qoidalariga kiritilayotgan o‘zgartirishlar**

1. Muqaddima quyidagi tahrirda bayon etilsin:

“Mazkur Qoidalar ichki ishlab chiqarish transportidan foydalanishda mehnatni muhofaza qilish tartibini belgilaydi.”.

2. 2-band quyidagi tahrirda bayon etilsin:

“2. Mazkur Qoidalar texnik jihatdan tartibga solish sohasidagi normativ hujjatlar, shaharsozlik normalari va qoidalari, sanitariya qoidalari, normalari va gigiyena normativlari talablari bajarilishi shart ekanligini istisno etmaydi.”.

3. 4-band quyidagi tahrirda bayon etilsin:

“4. Tashkilotlarda mehnatni muhofaza qilish borasidagi ishlarni tashkil qilish O‘zbekiston Respublikasi Vazirlar Mahkamasining 2025-yil 24-dekabrda 819-son qarori bilan tasdiqlangan Tashkilotlarda mehnatni muhofaza qilish ishlarini hamda mehnatni muhofaza qilish xizmati faoliyatini tashkil etish tartibi to‘g‘risidagi nizom talablariga muvofiq amalga oshiriladi.”.

4. 6 va 7-bandlar quyidagi tahrirda bayon etilsin:

“6. O‘zbekiston Respublikasi “Mehnatni muhofaza qilish to‘g‘risida”gi Qonunining 12-moddasiga muvofiq, ishlab chiqarish faoliyatini amalga oshiruvchi, xodimlarining soni ellik kishi va undan ortiq bo‘lgan har bir tashkilotda mehnatni muhofaza qilish talablariga rioya etilishini ta‘minlash, ularning bajarilishi ustidan nazoratni amalga oshirish maqsadida mehnatni muhofaza qilish xizmati tashkil etiladi yoki mehnatni muhofaza qilish bo‘yicha tegishli tayyorgarlikka ega bo‘lgan mutaxassis lavozimi joriy etiladi. Ellikta va undan ortiq transport vositasi mavjud bo‘lgan tashkilotda yo‘l harakati xavfsizligi xizmati ham tashkil etiladi yoki yo‘l harakati xavfsizligi bo‘yicha mutaxassis lavozimi joriy etiladi.

Xodimlarining soni ellik nafardan kam bo‘lgan tashkilotda mehnatni muhofaza qilish xizmatini tashkil etish yoki mehnatni muhofaza qilish bo‘yicha mutaxassis lavozimini joriy etish to‘g‘risidagi qaror ish beruvchi tomonidan mazkur tashkilot faoliyatining o‘ziga xos xususiyati hisobga olingan holda qabul qilinadi.

Mehnatni muhofaza qilish xizmati va yo'l harakati xavfsizligi xizmati tashkilotning mustaqil tarkibiy bo'linmalari bo'lib, ular bevosita tashkilot rahbariga bo'ysunadi.”.

5. 9-band quyidagi tahrirda bayon etilsin:

“9. Tashkilotlarda mehnat faoliyati bilan bog'liq ravishda sodir bo'lgan baxtsiz hodisalar va boshqa jarohatlanishlarni tekshirish va hisobini yuritish O'zbekiston Respublikasi Vazirlar Mahkamasining 1997-yil 6-iyundagi 286-son qarori bilan tasdiqlangan Ishlab chiqarishdagi baxtsiz hodisalarni va xodimlar salomatligining mehnat vazifalarini bajarish bilan bog'liq boshqa xil zararlanishini tekshirish va hisobga olish to'g'risidagi [nizomga](#) muvofiq amalga oshirilishi lozim.”.

6. 11 va 12-bandlar quyidagi tahrirda bayon etilsin:

“11. Xodimlarning mehnatni muhofaza qilish bo'yicha bilimlarini tekshirish O'zbekiston Respublikasi Vazirlar Mahkamasining 2025-yil 24-dekabrda 819-son qarori bilan tasdiqlangan Mehnatni muhofaza qilish bo'yicha yo'l-yo'riqdan o'tkazish, o'qitish va bilimlarni tekshirish, malaka oshirish hamda qayta tayyorlash to'g'risidagi nizom talablariga muvofiq amalga oshirilishi lozim.

12. Mehnatni muhofaza qilish bo'yicha yo'riqnomalar O'zbekiston Respublikasi Vazirlar Mahkamasining 2025-yil 24-dekabrda 819-son qarori bilan tasdiqlangan Mehnatni muhofaza qilish bo'yicha yo'riqnomalarni ishlab chiqish to'g'risidagi nizom talablariga muvofiq ishlab chiqiladi hamda tashkilot xodimlarini va ish joylarini ushbu yo'riqnomalar bilan ta'minlash tashkilot rahbariyati zimmasiga yuklatiladi.”.

7. 13-banddagi “GOST 17.2.3.02-78 “Tabiatni muhofaza qilish. Atmosfera. Sanoat tashkilotlari zararli moddalarining yo'l qo'yiladigan chiqarishlarini o'rnatish qoidalari” degan so'zlar “GOST 17.2.3.02-2014 “Sanoat tashkilotlari ifloslantiruvchi maddalarning yo'l qo'yiladigan chiqarishini o'rnatish qoidalari” degan so'zlar bilan almashtirilsin.

8. 17-banddagi “tibbiy ko'rikdan” degan so'zlar “majburiy tibbiy ko'rikdan” degan so'zlar bilan almashtirilsin.

9. 18 va 19-bandlar quyidagi tahrirda bayon etilsin:

“18. Majburiy tibbiy ko'riklar tashkilotga tibbiy xizmatlar ko'rsatuvchi davolash-profilaktika muassasalari tomonidan, agar ular bo'lmagan taqdirda tashkilot joylashgan joydagi hududiy davolash-profilaktika muassasalari tomonidan o'tkaziladi.

19. Tashkilot rahbari majburiy tibbiy ko'rikdan o'tmagan yoxud majburiy tibbiy ko'rik natijalariga ko'ra tibbiy komissiyalar tomonidan berilgan tavsiyalarni bajarishdan bo'yin tovlagan shaxslarni ishdan chetlashtirishi shart.”.

10. 20-banddagi “tibbiy ko'riklarning” degan so'zlar “majburiy tibbiy ko'riklarning” degan so'zlar bilan almashtirilsin.

11. 22-banddagi “KMK 2.01.05-98 “Tabiiy va sun’iy yoritish. Proyektlash me’yorlari” degan so‘zlar SHNQ 2.01.05-24 “Tabiiy va sun’iy yoritish” shaharsozlik normalari va qoidalari talablari” degan so‘zlar bilan almashtirilsin.

12. 61-bandidagi “mehnat muhofazasi” degan so‘zlar “mehnatni muhofaza qilish” degan so‘zlar bilan almashtirilsin.